

第一輯

民族偉人

漢武帝

朱煥堯

編著

勝利出版社印行

第一輯


民族學人

漢武帝

朱煥堯

編著

勝利出版社印行



中國歷代名賢
故事集第二輯

漢武帝

定價國幣

(外埠酌加郵運匯費)

主編者	潘公展・印維廉
編著者	朱煥堯
發行所	勝利出版社
	重慶羊市場一八號
	上海貴州路一七〇號

經售處	中正大開史各	華中東明學	書局書局書局
	各地分支局		店店店
重慶總經理	文信書局		

民國三十四年二月渝初版
民國三十五年二月滬一版

0001-6000
6001-8000

作者小傳

朱煥堯先生，字建章，現年三十九歲，江蘇連水人，國立中央大學畢業。歷任江蘇省立國學圖書館編校、國史館籌備委員會幹事等職。本書以謹厚凝重之筆，述此偉大人物及一代史跡，落筆貫通，博洽精要。取材一以史、漢、通鑑爲依歸，稗官小說之言，固所摺棄；即事載正史而迹近瑣屑者，亦多從略。褒貶得失，二本至當。故敘事簡潔，而持論平直。文字醇樸，有史、漢之遺；世之傳武武者，蓋未之能先。本書編撰前，曾蒙吳鳳林先生規示體例，脫藁之日，復承許爲校訂，匡正補苴，益臻完善。繆先生現任國立中央大學歷史學系教授兼史地系主任，朱先生現任同校史地系講師。

勝利出版社編印組謹識 三十四年二月

序

吾國舊史，有編年、紀傳、本末之分。紀傳一體，尤爲史之正宗。顧其書雖以人爲主，而每人之紀若傳，篇幅亦至有限。漢武在位五十四年，豐功偉烈，彪炳寰區，而漢書武帝紀僅七千七百餘言。王莽傳爲史傳最長者，亦纔三萬七千數百言耳。視他國傳記之書，敍一人生平，動盈數十萬言者，其詳略乃迥不相侔。蓋吾正史所紀，以某一時代全國之各方面爲範圍，紀傳與表志駢列，人、事、時、空，在在可以表著其聯絡。紀法春秋，標舉大綱。紀所不具者，傳與表志詳之。一人之傳，亦第著其犖犖大者。其與他人若事有聯屬者，則各就其特質，分著于他傳若紀、若表、若志之中。故讀吾史者，必用編年與本末之法，通覽全帙，求其縱貫橫通之聯絡，乃有以觀其全。以本紀爲綱，將全書之事悉按年附麗，然後尋代之事無不明。以某紀若傳、若志爲主，博考全書與此紀、此傳、此志有關之人若事，然後每人之始末無不具，每事之脈絡無不貫。特此可爲專精史學者道耳。

初學者驟告以是法，將猶河漢而無極，顧不若研習一二專傳之簡易，且能詳悉傳主之始末也。潘公展先生選擇吾史各時代中心人物各若干人，創編一「中國歷代名賢故事集」，以漢武帝一題譚諉及余。人事乖迕，遲遲未就。朱君建章曩嘗從余攻讀漢史，年來分教中央大學，所募中古史講義，浩博無涖。爰囑就漢書中刺舉與孝武帝有關史實，寫爲是編。閱時半載，修訂再四，而後成書。雖因篇幅所限，所引班史率多刪節；然條理朗析，本末賅備，是真能讀漢書而求得其縱貫橫通之聯絡者矣！讀史者倘能以是編爲津轄，上溯高、惠、文、景，下洎昭、宣、元、成，通貫炎漢一代之盛衰遷變，無難也；豈僅孝武生平瞭如指掌而已哉！是爲序。

民國三十三年冬至繆鳳林識

目次

第一章 親屬與才性……………一

高祖之創業與帝位之傳承 武帝之兄弟 武帝得立爲太子之故 武帝之后與太子 武帝之才性 斥田蚡 理竇嬰田蚡之爭 責莊助 折衛青爲郭解游說 激發李廣 赦責楊僕 許胡建之行法 折難汲黯 深知戾太子而竟以暴怒殺之 賜趙婕妤死

第二章 安寧富庶與羅致人才……………一九

漢初以來休息生聚之政治 戶口之蕃息 上下富實 漢初之封建 文帝世諸侯王之驕逆 景帝裁抑諸侯強幹弱枝 武帝之育才求才 武帝於人才之愛護與慕念 武帝世才能之士之尤著者

第三章 雪恥復讎 ……三二

匈奴之概況 漢初匈奴之侵侮 文帝世匈奴之患及捍禦之策 武帝蓄志雪恥復

讎 馬邑之謀 擊匈奴關市下 收復河南地 絕漠而戰 擊取河西地 武帝欲

突擒單于於漠北 漢匈奴戰爭中停之原因 漢匈奴國家地位之升降 漢軍之深

入窮追 武帝征伐匈奴前後二期之比較 武帝後漢匈奴關係之概略 武帝世征

伐匈奴之名將 西漢兵役制度 漢人勇武發揚之精神

第四章 開拓疆土 ……五七

漢初疆域之狹小 武帝開拓之概略及其與民族國家之關係 武帝經營諸方意義

之不同 西域諸國之分布及其與匈奴之關係 張騫出使大月氏 張騫出使烏孫

繼騫出使西域者之衆 用兵於西域 伐宛之役之影響 武帝後漢西域關係之

概略 開闢河湟間 兩越與漢之關係 東甌人衆之內徙 擊閩越以救南越 平

南越 平閩越 西南夷部落國家之分布 始通西南夷 再通西南夷 立西南夷
地爲郡縣 滅朝鮮立東北郡縣 武帝開 後之疆域

第五章 經濟方略

： ： ： ： ： ： ： ： ： ： 七九

武帝君臣不得不增闢財源之故 增加軍賦與令民畜馬 增加農產 捐獻與勒取
整理貨幣 重征商賈兼并者 國營企業 諸法之得失 帝世國計之盈絀與諸
大事役之關係 武帝一代理財之臣

第六章 尊經重儒與保存古籍

： ： ： ： ： ： ： 一〇一

西漢之顯學 漢初以來君臣之於儒術 漢初以來儒師傳業之狀 武帝尊經重儒
之原由 董仲舒言獨尊經術 趙綰王臧之獄 立五經博士與罷黜百家 儒者公
孫弘爲丞相 立太學及置博士弟子 郡國立學 武帝未嘗專任儒術爲治 武帝
尊經重儒之關係 書籍之殘毀漸滅 武帝之搜藏書籍 武帝搜藏書籍之關係

第七章 吏道政術 …… 一一七

武帝任用文法吏爲治之原由 武帝世酷吏及其治道 刑律法令之便於酷吏 嚴
刑急罰之治之無效 王國之小弱不由嚴法 任用酷吏之流弊 武帝爲政亦重德
教化育 官吏亦多儒生長德之人

第八章 改制度 …… 一三一

德運之說 漢初德運之爭 武帝之定曆數易服色 漢人所謂受命改制之性質
吏官名 中外朝之分 兵制之略變與武吏之增多 刺史之常置與州部之畫分
制年號

第九章 文辭田獵之好 …… 一四一

武帝愛好文辭 武帝之文 武帝之賦 武帝之詩歌 武帝私出田獵

第十章 禮神求仙 …… 一五七

武帝郊祭五時之始 方士李少君 興泰一三一諸祠 方士齊人少翁 甘泉神君

之祀 始立汾陰后土祠 方士樂大 方士公孫卿 巡幸海上與封禪之始

第十一章 晚年悔悟與付託得人 …… 一六九

罷遣方士候神仙者 停遠略 休養人民 老病與顧命 受遺諸臣之爲人

第十一章 後論 …… 一七七

夏侯勝之議 王莽劉歆之議 班固之論 司馬光之論 本書立意

附

年表

漢武帝

繆鳳林校計圖
朱煥堯編纂書

第一章 親屬與才性

高祖之創業與帝位之傳承

漢室與自劉邦。邦，秦泗水郡沛縣豐邑人。初爲泗上亭長（秦、漢之制，縣以下有鄉，鄉以下有亭。大率十里一亭；亭長，主亭之吏也），爲縣送囚徒驪山（在今陝西臨潼縣東南），徒多道亡，因盡縱之，而自亡匿山澤間。二世元年（公元前二〇九），天下反秦，邦亦據沛起事，屬楚。三年，入關滅秦。項籍號令天下，分封十八王，邦爲漢王，王巴、蜀、漢中。籍既東歸，邦亦出據關中，東向力戰，五年之間，卒并諸侯王，滅項氏，而統一天下。卽皇帝位，爲漢高祖。後七年崩（在帝位八年，漢人記其年代，自爲漢王起，以

接秦代，則爲十二年，後世因之，自公元前二〇六至前一九五）。太子盈嗣，是爲惠帝，七年崩（公元前一九四至前一八八）。子某、子弘相繼嗣，是爲兩少帝，而祖母高皇后呂雉臨朝執政，凡八年（公元前一八七至前一八〇）。高后崩，大臣誅諸呂，出少帝，而迎高祖中子代王恆，入承大統，是爲文帝。文帝在位二十三年崩（公元前一七九至前一五七），太子啓嗣，是爲景帝。景帝在位十六年崩（公元前一五六至前一四一），太子徹立，卽武帝也。漢興至是六十餘年矣，但謀休息生聚，平定內亂，制度文教，未遑修立，鄰國侵侮，尤多含垢忍辱之事。至武帝乃經營開創，而後漢稱極盛。且帝之所經營者，德澤施於後世，威名著乎民族，馨香百代，不僅爲劉氏一朝生色已也。

武帝之兄弟

帝兄弟十四人，際最長，景帝四年（公元前一五三），立爲太子。河間王德、臨江王闕、魯王餘、江都王非、膠西王端、趙王彭祖、中山王勝、長沙王發，其封在帝前，蓋皆帝之兄。廣川王越、膠東王寄、清河王乘、常山王舜之封皆在後，宜爲弟。然帝嘗稱越爲

兄，則帝蓋景帝第十一子也。母王夫人。

武帝得立爲太子之故

方帝在母身時，王夫人夢日入其懷，以告景帝。景帝曰：「此貴徵也」。生景帝元年。四歲，封爲膠東王，與太子榮同日立。景帝姊館陶長公主，堂邑侯陳午尚之。有女，欲與太子爲妃，太子母栗姬有憾於館陶主，謝不許，與帝，王夫人許之。會景帝薄皇后見廢，將立新后。太子之母行常立爲后，而館陶主日譖短栗姬。景帝又嘗囑諸姬子於栗姬曰：「吾百歲後，善視之」。栗姬妬，怒不肯應，言復不遜，景帝亦心銜之。館陶主日譽王夫人之子美，景帝亦自賢之，又憶曩者夢日之符，計猶豫未有所定。王夫人乃陰使人促大臣請立栗姬爲皇后，曰：「子以母貴，母以子貴，今太母號宜爲皇后」。景帝怒曰：「是汝所當言耶？」遂案誅奏請者，而廢太子榮爲臨江王。卒立王夫人爲皇后，帝爲太子，時景帝七年（公元前一二）也。

帝爲太子時，相與游處今可知者，有太傅衛綰、王臧、舍人公孫賀。而韓嫣自帝爲膠

東王時，同學書，相愛。爲人聰慧，善騎射。帝即位後，益貴幸。尋以亂宮禁中，賜死。賀武人而性醜謹，綰敦厚長者，威爲大儒魯申公弟子，其事迹別見後章。

後三年（公元前一四一）正月，景帝崩，帝年十六，嗣爲皇帝。在位五十四年，有年號十：建元、元光、元朔、元狩、元鼎、元封，前六號各六年；後四號：太初、天漢、太始、征和，各四年。其後二年，以未得嘉名，未制年號，史書但稱後元年、後二年。後二年（公元前八七）二月，帝崩於蠶屋縣五柞宮，年七十。

武帝之后與太子

帝有六子：衛皇后生據，王夫人生閔，李姬生旦及胥，李夫人生髡，趙婕妤生弗陵。初帝藉館陶主力得立爲太子，取主女爲妃。及即帝位，立爲皇后，是爲陳皇后。擅寵驕貴十餘年，而無子。聞平陽長公主所進謳者衛子夫得幸，妬甚，幾死者數矣。使人爲祭祠祝詛事，事覺，元光五年（公元前一三〇）廢，退居長門宮。後二年元朔元年（公元前一二八），衛子夫生男據，遂立子夫爲皇后，是爲衛皇后。帝年二十九，始得子，喜甚，東方

胡等獻賦頌。據年七歲，元狩元年（公元前一二二）立爲皇太子。詔受公羊春秋，又從大儒瑕邱江公受穀梁，帝甚愛之。既冠，就太子宮，帝爲立博望苑，使通賓客，從其所好。然據爲太子三十二歲，征和二年（公元前九一）竟敗，事起於江充。先是太子家使乘車馬上甘泉（甘泉宮在甘泉山，山在今陝西淳化縣西北），行馳道中。馳道，天子所行道，他非有詔不得行，犯者人以屬吏，沒入車馬。充遂收太子家吏案罪。太子使人謝充曰：「非愛車馬，誠不欲令上聞之，謂我不素教敕左右者。」唯江君寬之。充不聽，竟白奏帝。由是充與太子有隙。

征和初，巫蠱事起。帝年老多疾，充恐帝崩太子卽位爲所誅，遂生姦詐。奏言帝疾祟在巫蠱，請爲使者以治之。收捕驗治，死者數萬人，漸次及太子。充使胡巫作桐木人埋太子宮中，而掘得之。太子懼，不能自明。是時，帝避暑甘泉，皇后太子使吏問疾，皆不報，又疑帝疾困而江充爲亂，遂收充斬之，矯節發兵，與丞相劉屈氂戰長安中。兵敗逃亡，卒自經於湖縣（故城在今河南閩鄉縣東四十里）民家。衛皇后自殺。後帝漸知太子無